


新刊王氏脉經

二



新刊王氏脉經卷第四



朝散大夫李光祿卿直秘閣判登聞檢院直學士臣林億等類次

辨三部九候脉證第一

平雜病脉第二

診五藏六腑氣絕證候第三

診四時相反脉第四


診損至脉第五

診脉動止投數踈數死期年月第六

診百病死生決第七

診三部虛實決死生第八

辨三部九候脉證第一



經言所謂三部者寸關尺也九候者每部中有天地人也上部
主候從膚以上至頭中部主候從膈以下至氣街下部主候從
氣街以下至足浮沈牢結遲疾滑澹各自異名分理察之勿怠
觀變所以別三部九候知病之所起審而明之針灸亦然也故
先候脉寸中寸中一作十中於九浮在皮膚沈細在裏昭昭天道可得長
久上部之候牢結沈滑有積氣在膀胱微細而弱則引裏急頭
痛欬嗽逆氣上下心膈上有熱者口乾渴燥病從寸口邪入上
者名曰解脉來至狀如琴絃苦少腹痛女子經月不利孔竅生
瘡男子病痔左右脇下有瘡上部不通者苦少腹痛腸鳴寸口
中虛弱者傷氣氣不足大如桃李實苦痺也寸口直上者逆虛
也如浮虛者泄利也中部脉結者腹中積聚若在膀胱兩脅下
有熱脉浮而大風從胃管入水脹乾瀝心下澹澹如有桃李核

胃中有寒時舌煩痛不食食即心痛胃脹支滿膈上積脅下有
熱時寒熱淋露脉橫出上者脅氣在膀胱病即著右橫關入寸
口中者膈中不通喉中咽難刺關元入少陰下部脉者其脉來
至浮大者脾也與風集合時上頭痛引腰背小滑者厥也足下
熱煩滿逆上搶心上至喉中狀如惡肉脾傷也病少腹下在膝
諸骨節間寒清不可屈伸脉急如絃者筋急足牽結者四肢重
從尺邪入陽明者寒熱也大風邪入少陰女子漏白下赤男子
溺血陰萎不起引少腹痛

人有三百六十脉法三百六十日三部者寸關尺也尺脉爲陰
陰脉常沈而逢寸關爲陽陽脉俱浮而速氣出爲動入爲息故
陽脉六息七息十三投陰脉八息七息十五投此其常也二十
八脉相逐上下一脉不來知疾所著尺勝治下寸勝治上尺寸

俱平治中央臍以上陽也法於天臍以下陰也法於地臍為中
關頭為天足為地有表無裏邪之所止得鬼病何謂表裏寸尺
為表關為裏兩頭有脉關中絕不至也尺脉上不至關為陰絕
寸脉下不至關為陽絕陰絕而陽微死不治三部脉或至或不
至冷氣在胃中故令脉不通也上部有脉下部無脉其人當吐
不吐者死上部無脉下部有脉雖困無所苦所以然者譬如人
之有尺樹之有根雖枝葉枯槁根本將自生木有根本即自有
氣故知不死也寸口脉平而死者何也然諸十二經脉者皆係
於生氣之原所謂生氣之原者非謂十二經之根本也謂腎間
動氣也此五藏六府之本十二經之根呼吸之門三焦之原一
名守邪之神也故氣者人根本也根絕則莖枯矣寸口脉平而
死者生氣獨絕於內也

腎間動氣謂左為腎右為命門命門者
精神之所舍原氣之所係也一名守邪



之神以命門之神固守邪氣不得妄入入則死矣此岐伯曰形
有氣先絕於內其人便死其脈不復反得動病也。盛脈細少氣不足以息者死形瘦脈大胃中多氣者死形氣相
得者生參伍不調者病三部九候皆相失者死上下左右之脈
相應如參春者病甚上下左右相失不可數者死中部之候雖
獨調與衆藏相失者死中部之候相減者死目內陷者死黃帝
曰冬陰夏陽奈何岐伯曰九候之脈皆沈細懸絕者爲陰主冬
故以夜半死盛躁喘數者爲陽主夏故以日中死是故寒熱者
平日死熱中及熱病者日中死病風者以日夕死病水者以夜
半死其脈乍數乍疎乍遲乍疾者以日乘四季死形肉以脫九
候雖調猶死七診雖見九候皆順者不死所言不死者風氣之
病及經月之病似七診之病而非也故言不死若有七診之病
其脈候亦敗者死矣必發臑噫必審問其所始病與今之所方

病而反各切循其脉視其經絡浮沈以上下逆順循之其脉疾者不病其脉遲者病脉不往來者死皮膚著者死

兩手脉結上部者濡結中部者緩結二里者豆起弱反在關濡反在顛微在其上濇反在下微即陽氣不足沾熱汗出濇即無血厥而且寒黃帝問曰余每欲視色持脉獨調其尺以言其病內外知內爲之奈何歧伯對曰審其尺之緩急小大滑澀肉之脆而病形變定矣調之何如對曰脉急者尺之皮膚亦急脉緩者尺之皮膚亦緩脉小者尺之皮膚減而少脉大者尺之皮膚亦大脉滑者尺之皮膚亦滑脉濇者尺之皮膚亦濇凡此六者有微有甚故善調尺者不待于寸善調脉者不待于色能參官行之可爲上工尺膚滑以淖澤者風也尺內弱解休安卧脫肉者寒熱也尺膚濇者風痺也尺膚麗如枯魚之鱗者水淡飲

也尺膚熱甚脈盛躁者病溫也其脈盛而滑者汗且出尺膚寒

甚脈小急

一作

者泄少氣尺膚烜然

烜然甲乙作熱炙人手

先

熱後寒者寒

熱也尺膚先寒久持之而熱者亦寒熱也尺烜然熱人迎大者

膏奪血尺緊人迎脈小甚則少氣色白有加者立死肘所獨熱

者腰以上熱肘前獨熱者膺前熱肘後獨熱者脊背熱肘後麗

以下三四寸腸中有蟲手所獨熱者腰以上熱臂中獨熱者臑

腹熱掌中熱者腹中熱掌中寒者腹中寒魚上白肉有青血脉

者胃中有寒

諸浮諸沈諸滑諸澀諸弦諸緊若在寸口膈以上病若在關

上胃以下病若在尺中腎以下病

寸口脈滑而遲不沈不浮不長不短為無病左右同法

寸口太過與不及寸口之脈中手短者曰頭痛中手長者曰

足脛痛中手促上擊者曰肩背痛

寸口脉浮而盛者病在外

寸口脉沈而堅者病在中

寸口脉沈而弱者曰寒熱一作氣又作中及疝瘕少腹痛

寸口脉沈而弱髮必墮落

寸口脉沈而緊者心下有寒時痛有積聚

寸口脉沈而短氣

寸口脉沈而喘者寒熱

寸口脉但實者心勞

寸口脉緊或浮膈上有寒肺下有水氣

脉緊而長過寸口者注病

脉緊上寸口者中風風頭痛亦如之千金翼云亦為傷寒頭痛

脈弦上寸口者宿食降者頭痛

脈來過寸入魚際者遺尿

脈出魚際逆氣喘息

寸口脈澀澀如羹上肥陽氣微連連如蜘蛛絲陰氣衰

寸口脈偏絕則臂偏不遂其人兩手俱絕者不可治兩手前

部陽絕者苦心下寒毒喙中熱

關上脈浮而大風在胃中張口有息心下澹澹食欲嘔

關上脈微浮積熱在胃中嘔吐蛇蟲心健忘

關上脈滑而大小不勻千金云必吐逆是為病方欲進不出一二日

復飲發動其人欲多飲飲即注利如利止者生不止者死

關上脈緊而滑者蛇動

關上脈澀而堅大而實按之不減有力為中焦實有伏結在

脾肺氣塞實熱在胃中

濕脈與有力反今並言者浮之濕大按之堅實故言有力也

關上脈澹澹大而尺寸細者其人必心腹冷積癥瘕結聚欲復欲發動其人欲多飲飲即注利如利止者生不止熱飲食關上脈時來時去乍大乍小乍踈乍數者胃中寒熱羸劣不欲飲食如瘵狀

尺脈浮者客陽在下焦

尺脈細微溇泄下冷利

尺脈弱寸彊胃絡脈傷

尺脈虛小者足脛寒痿痺脚疼

尺脈澀下血不利多汗

素問又云尺澀脈滑謂之多汗

尺脈滑而疾為血虛

尺脈沈而滑者寸白蟲

尺脉細而急者筋攣痺不能行

尺脉麤常熱者謂之熱中腰膝疼小便赤熱

尺脉偏滑疾面赤如醉外熱則病

平雜病脉第二

滑為實為下

又為陽氣衰

數為虛為熱浮為風為虛動為痛為驚

沈為水為實

又為胃氣

弱為虛為悸

遲則為寒瀼則少血緩則為虛洪則為氣

一作熱

緊則為寒弦

數為瘧

瘧脉自弦弦數多熱弦遲多寒微則為虛代散則死

弦為痛痺

一作浮為風症

偏弦為飲雙弦則脅下拘急而痛其人瀼

瀼惡寒

瀼脉大寒熱在中

伏者霍亂

安卧脉盛謂之脫血

凡亡汗肺中寒飲冷水欬嗽下利胃中虛冷此等其脉並緊

浮而大者風

浮大者中風頭重鼻塞

浮而緩皮膚不仁風寒入肌肉

滑而浮散者攤緩風

滑者鬼疰

澀而緊痺病

浮洪大長者風眩癰疾

大堅疾者癰病

弦而鈎脇下如刀刺狀如鷲戶至困不死

緊而急者道尸

洪大者傷寒熱病

浮洪大者傷寒秋吉春成病

浮而滑者宿食

浮滑而疾者食不消脾不磨

短疾而滑酒病

浮而細滑傷飲

遲而滑中寒有癰結

駛而緊積聚有擊痛

弦急疝瘕小腹痛又爲癰病

一作痺病

遲而滑者脹

盛而緊曰脹

弦小者寒癖

沈而弦者懸飲內痛

弦數有寒飲冬夏難治

緊而滑者吐逆

小弱而濇胃反

遲而緩者有寒

微而緊者有寒

沈而遲腹藏有冷病

微弱者有寒少氣

實緊胃中有寒苦不能食時時利者難治

一作時時嘔
積留難治

滑數心下結熱盛

滑疾胃中有熱

緩而滑曰熱中

沈

一作浮

而急病傷寒暴發虛熱

浮而絕者氣

辟大而滑中有短氣

浮短者其人肺傷諸氣微少不過一年死法當噉也

沈而數中水冬不治自愈

短而數心痛心煩

弦而緊脇痛藏傷有瘀血

一作有寒血

沈而滑為下重亦為背脊痛

脉來細而滑按之能虛因急持直者僵仆從高墮下病在內

微浮秋吉冬成病

微數雖甚不成病不可勞

浮滑疾緊者以合百病久易愈

陽邪來見浮洪

陰邪來見沈細

水穀來見堅實

脈來乍大乍小乍長乍短者為祟

脈來洪大嫺者社祟

脈來沈_二澤_二四支不仁而重土祟

脈與肌肉相得久持之至者可下之

引小緊者可下之

脈_二數寒熱俱發必下乃愈

弦遲者宜溫藥

脈數者可發其汗

